

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԵՐԵՎԱՆ ՔԱՂԱՔԻ ԱՎԱԳԱՆԻ**

«---»----- 2014թ.

N-----Ա

ՈՐՈՇՈՒՄ

**ՀԱՄՈ ՍԱՀՅԱՆԻ ՀԻՇՍՏԱԿԸ ՀԱՎԵՐԺԱՑՆՈՂ ՀՈՒՇԱՐՁԱՆԻ
ՏԵՂԱԴՐՄԱՆԸ ՀԱՄԱՁԱՅՆՈՒԹՅՈՒՆ ՏԱԼՈՒ ՄԱՍԻՆ**

Հիմք ընդունելով Հայաստանի Հանրապետության կառավարության **1999** թվականի օգոստոսի **31**-ի «Հայաստանի Հանրապետությունում պետական և հասարակական նշանավոր գործիչներին նվիրված հուշարձանների իրականացման կարգը հաստատելու մասին» N **551** որոշմամբ հաստատված կարգի **2**- րդ կետը՝

Երևան քաղաքի ավագանին որոշում է.

Տալ համաձայնություն հայ նշանավոր բանաստեղծ, քնարերգու Համո Սահյանի հիշատակը հավերժացնող հուշարձանը Օդակաձև զբոսայգու **5**-րդ հատվածի շատրվանների հարակից տարածքում տեղադրելու համար:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ - ՀԻՄՆԱՎՈՐՈՒՄ

«ՀԱՄՈ ՍԱՀՅԱՆԻ ՀԻՇԱՏԱԿԸ ՀԱՎԵՐԺԱՑՆՈՂ ՀՈՒՇԱՐՁԱՆԻ ՏԵՂԱԴՐՄԱՆԸ ՀԱՄԱՁԱՅՆՈՒԹՅՈՒՆ ՏԱԼՈՒ ՄԱՍԻՆ» ԵՐԵՎԱՆԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՎԵՐԱԲԵՐՅԱԼ

Հայ անվանի բանաստեղծ Համո Սահյանը ծնվել է Սյունիքի մարզի Միսիանի տարածաշրջանի Լոր գյուղում:

1927թ. տեղափոխվել է Բաքու, որտեղ ստացել է միջնակարգ կրթությունը: **1935թ.** ընդունվել և **1939թ.** ավարտել է Բաքվի մանկավարժական ինստիտուտը:

1939-41թթ. աշխատել է Բաքվի «Խորհրդային գրող» ամսագրում՝ որպես գրական աշխատող:

1941-45թթ. Հայրենական մեծ պատերազմի ժամանակ ծառայել է ռազմածովային նավատորմում:

1945-51թթ. աշխատել է Բաքվի «Կոմունիստ» թերթի խմբագրությունում՝ որպես գրական աշխատող, **1951-54թթ.**՝ Երևանի «Ավանգարդ» թերթում՝ որպես բաժնի վարիչ, **1954-55թթ.**՝ «Ոգնի» ամսագրում՝ որպես բաժնի վարիչ:

1965-67թթ. եղել է «Գրական թերթի» գլխավոր խմբագիրը:

Հ. Սահյանի բանաստեղծությունները տպագրվել են դեռևս **30-**ական թվականներից, սակայն նա համընդհանուր ճանաչման է արժանացել ռազմաճակատում գրած «Նաիրյան դալար բարդի» (**1958թ.**) բանաստեղծությամբ, որը հատկանշվում է Հայաստանի երկրի հանդեպ կարոտի հուզական բնկումով և անմիջականությամբ:

Հ. Սահյանի առաջին գիրքը՝ «Որոտանի եզերքին» բանաստեղծությունների ժողովածուն տպագրվել է **1946թ.**, որում դրսևորվում է Սահյանի բանաստեղծական ընդհանուր ուղղվածությունը՝ սերը հայրենի բնաշխարհի և մարդու նկատմամբ:

Հայ անվանի բանաստեղծ Հ. Սահյանին հռչակ են բերել նաև «Բարձունքի վրա» (**1955թ.**), «Սեզամ, բացվիր» (**1972թ.**, ՀԽՍՀ պետական մրցանակ), «Իրիկնահաց» (**1977թ.**), «Կանաչ-կարմիր աշուն» (**1980թ.**), «Դաղձի ծաղիկ» (**1986թ.**) ժողովածուները:

Նա գրել է նաև հայրեններ և կատարել է թարգմանություններ, մասնավորապես՝ Ա. Պուշկինի, Մ. Եսենինի, Գ. Լորկայի և այլ բանաստեղծների ստեղծագործությունները:

Համո Սահյանի ստեղծագործություններում մեծ թիվ են կազմում անցյալի, մանկությանը նվիրված բանաստեղծությունները, որոնք ունեն արդիական իմաստավորում, հասարակական հնչեղություն:

Հայ ականավոր բանաստեղծ Հ. Սահյանը պարգևատրվել է Հոկտեմբերյան հեղափոխության, Աշխատանքային կարմիր դրոշի և «Պատվո նշան» շքանշաններով:

Հ. Սահյանը մահացել է **1993 թ.**-ին, Երևանում:

1998 թ. հետմահու լույս է տեսել Հ. Սահյանի «Ինձ բացակա չղնեք» անտիպ բանաստեղծությունների ժողովածուն:

Համո Սահյանի հիշատակը հավերժացնող հուշարձանը Օղակաձև զբոսայգու **5-րդ** հատվածի շատրվանների հարակից տարածքում տեղադրելու համար Երևանի

քաղաքապետին միջնորդություններ են ներկայացրել Երևան քաղաքի գլխավոր ճարտարապետ Տ. Բարսեղյանը և «Համո Սահյան ԳՄԿ» ՀԿ նախագահ Շ. Դավթյանը:

Հաշվի առնելով վերոգրյալը և հիմք ընդունելով Հայաստանի Հանրապետության կառավարության **1999** թվականի օգոստոսի **31**-ի «Հայաստանի Հանրապետությունում պետական և հասարակական նշանավոր գործիչներին նվիրված հուշարձանների իրականացման կարգը հաստատելու մասին» N **551** որոշմամբ հաստատված կարգի **2**-րդ կետը՝ Երևան քաղաքի ավագանու քննարկմանն է ներկայացվում սույն որոշման նախագիծը:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ

«ՀԱՄՈ ՍԱՀՅԱՆԻ ՀԻՇԱՏԱԿԸ ՀԱՎԵՐԺԱՑՆՈՂ ՀՈՒՇԱՐՁԱՆԻ ՏԵՂԱԴՐՄԱՆԸ ՀԱՄԱՁԱՅՆՈՒԹՅՈՒՆ ՏԱԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵՈՒՄ ԼՐԱՑՈՒՄՆԵՐ ԵՎ/ ԿԱՄ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ

«Համո Սահյանի հիշատակը հավերժացնող հուշարձանի տեղադրմանը համաձայնություն տալու մասին» որոշման նախագծի ընդունման կապակցությամբ Երևանի բյուջեում լրացումներ և/ կամ փոփոխություններ կատարելու անհրաժեշտություն չի առաջանում:

ՏԵՂԵԿԱՆՔ

«ՀԱՄՈ ՍԱՀՅԱՆԻ ՀԻՇԱՏԱԿԸ ՀԱՎԵՐԺԱՑՆՈՂ ՀՈՒՇԱՐՁԱՆԻ ՏԵՂԱԴՐՄԱՆԸ ՀԱՄԱՁԱՅՆՈՒԹՅՈՒՆ ՏԱԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐՈՒՄ ԼՐԱՑՈՒՄՆԵՐ ԵՎ/ ԿԱՄ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ

«Համո Սահյանի հիշատակը հավերժացնող հուշարձանի տեղադրմանը համաձայնություն տալու մասին» որոշման նախագծի ընդունման կապակցությամբ այլ իրավական ակտերում լրացումներ և/ կամ փոփոխություններ կատարելու անհրաժեշտություն չի առաջանում:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ